

沈文肅公葆楨

沈公葆楨字翰宇一字幼丹福建侯官人也道光丁未進士選庶吉士授編修咸豐四年選庶吉士授編修咸豐四郡久淪於賊曾文正公檄充營務處六年署廣信時江西列郡皆賊踞自會城外惟贛州郡皆賊踞自會城外惟贛郎廉兆綸典信防侍郎赴郡屬之河口勸民輸餉以公從別賊楊輔清率黨萬餘自吉安賊楊輔清率黨萬餘自吉溪弋陽防軍敗潰廣信岌岌公兼程返郡至則城門洞開官吏軍民走且盡夫人林氏先吏軍民走且盡夫人林氏此去玉山九十里有浙將饒總兵廷選駐軍二千人饒公吾父舊部或可乞援夫人蓋林父舊部或可乞援夫人蓋指血爲書出牙門見有鄉民入城者重賞令馳投鄉民見太守待賊自盡咸感奮許代募守待賊自盡咸感奮許代到興安未進則饒軍與鄉勇已入城矣先是賊謀言城中空及至見城上遍樹旌旗乃大驚斬謀者饒總兵與裨將顧高翔畢定邦等力戰凡七捷賊解圍遯公以此名聞天下曾文正上公夫婦城守狀謂軍興有年郡縣望風逃潰惟沈某能獨申大義於天下云七年遷廣饒九南兵備道加按察使銜留筦信防賊數犯貴溪弋陽又從閩中出犯廣豐玉山公聯絡客兵擊走之安仁馬家邨地險惡奸民負固稱亂擅殺人掠人口勒贖抗糧五載公帥練勇三百討之奪其隘火數十家邨民縛首犯以獻立誅之盡完逋賦衆始知有國法然大吏深忌公遇事掣肘公乃以親老乞養歸士民數千赴行省乞留不得請則擬擊登聞鼓釀金爲行資會有旨調饒公贛南鎮總兵治信防饒公故有德于信者公始獲成行十年詔公仍治廣信防務尋有旨補贛南兵備道公仍以親老辭十一年冬詔公赴曾文正安慶大營辦理軍務同治元年正月奉旨超擢江西巡撫寄諭朕久聞沈葆楨德望冠絕時才堪應變是以超擢巡撫又以其家有老親因擇江西鄰省授以臺寄風土不殊迎養亦近將來懋建殊勛尤足光榮門戶以承親歡經朕如此破格委任諒不至仍以養親瀆請朕亦必不允也公奉詔感泣馳詣章門疏陳許國以身

義無旁顧俟大憝就戮寰宇廓清再申前請歸養奉

批答有忠孝性成之褒當是時杭州已失守吳越聯爲一氣

曾文正駐軍皖中軍餉仰給於江西左文襄方爲浙撫由江規浙而僞王李世賢楊輔清等席方張之勢畢力犯江

西冀斷皖浙餉道公躬赴廣信督防教士民以堅壁清野捐廉俸千金倡築寨堡逆黨分途竄擾公激厲主客軍若

江誠恪忠義之精捷營劉果敏典之克勇道員席寶田之精毅營督糧道段起之衡營道員王文瑞之老湘營王德

榜之長左營屈蟠張岳齡之平江營知府王沐之繼果營參將韓進忠之韓字營劉勝祥之祥字營臬司劉于潛之

水師並循公方畧遵調遣所嚮克捷元二兩年悍酋黃文金李遠繼古隆賢賴裕新等以皖浙乏食分踞廣饒邊境

先後爲諸將所敗論者謂保固後路俾江浙兩路並得歲功公之力也當軍務方殷適有法蘭西教堂被毀之獄

嚴旨詰問主名公疏稱事繇公憤萬衆同心百計推求終無端緒總繇疆臣疏於防範所致自請嚴加議處 詔置

不問外夷亦懾服無辭而士林則感深肌髓矣五年六月官軍拔江甯逸賊僞侍王李世賢僞康王汪海洋等繇湖

州越廣德分道竄入江西提督鮑公超率所部來援疊克金溪南豐新城僞佑王李遠繼僞王洪仁王洪仁王洪

仁政等擁僞幼主洪福竄至廣豐鉛山疊爲諸將所敗洪福鬚髮潛逃爲席軍所禽語具席少保傳中 詔賞公頭

品頂戴一等輕車都尉公推功諸將並以曾文正左文襄濟師協餉始得轉危爲安疏言臣何敢貪天之功因人之

力以爲己榮請收回 成命 溫諭不許復以親病求解任亦不許至四年乃給假回籍一肩行李如始至之數曾

文正歎爲不可及抵里已丁母憂公撫江三載肅吏治繩悍將民有冤抑來懇者立爲剖決每夕漏四下不休中因

籌餉用人與曾文正意見不合 詔引廉藺寇賈前事勛以共濟時艱公之孤忠格 天所從來久矣六年奉 旨

充總理船政大臣船政之議發自左文襄謂非公莫肩其任公疏辭不獲乃請俟釋服後出而任事設船塢於距會

城四十里之馬尾山麓地曰中岐臨內濱江者爲船塢若鐵廠機器廠之類皆參列其後以洋將日意格爲監督德

克碑副之事係判舉百緒繇興機器來自外洋殊形詭製相顧瞠目旁觀者懼不克終事以爲難公與日意格堅明

約東限五年告成總督某公數言船未必成雖成何益公堅不爲動畧布政使周錫開充船政提調爲匿名帖所牽涉總督知其誣不爲申理延平守李慶霖向充船政局員總督劾其事趨承請奪職勒回籍公皆抗疏力爭且云船政雖係總理王大臣所奏請而自強之道斷自宸衷爲臣子者均宜激發天良以紓宵旰臣官非言責分關

部民然船政係臣專責死生以之乞論周錫開始終其事李慶霖仍留局差遣皆得旨允行朝廷至移某公

爲川督以避之藩司某遇事玩抗公以軍法數而斬之衆大驚已而大服八年五月第一號輪船成公親出洋試演遣官駛赴天津請旨派王大臣勘驗皆如法未幾二三號成乃奏派輪船統領隨時訓練以專責成九年丁父憂

詔百日後仍出任事公疏請終制諭令素服從事公以病辭乃許終制十一年十二月服闋始復出前後造成

兵輪二十艘曰萬年清曰鎮海曰湄雲曰海鏡曰揚武曰飛雲曰安瀾曰靖遠曰鎮威曰伏波曰福星曰濟安曰永

保曰深航曰大雅分布各海口翔立拉鐵打鐵鑄鐵輪機水缸諸廠開學堂二所選幼童之敏者居之分習駕駛製

造諸藝所學皆成尋議酌改船式挑匠徒試令自造不用洋人監督因疏陳善後事宜非公精心果力不能成也居

無何而有巡視臺灣之役臺地孤懸海外舊設一府三縣二廳隸於臺灣道其臺北生番未入版圖也十三年夏有

日本船避風來泊爲生番所殺日本調集兵船藉辭生事覬覦臺北番社地有旨命公巡視兼辦各國通商事務

公開命卽行寢不及且當是時倭兵已登岸結營伺隙而動公據理詰責之仍招諭生番諸社宣布皇仁番社

願遵約束倭人爲之奪氣乃修城垣築礮壘練營勇繕軍械不先開釁端而無日不爲戰守之備會提督唐定奎銘

武軍渡臺衆心益奮倭人遵約撤兵乃通籌善後事宜請仿照江蘇巡撫駐蘇州例令福建巡撫移駐臺灣兼理學

政疏陳十有二便且云從前官吏所治祇濱海平原三分之一餘皆番社耳今綜前後山計之可建府者二建縣者

十事之當辦始當變革者非十數年不爲功且化番爲民尤當行之以漸必須巡撫主持大局乃能綱舉目張爲

國家億萬年之利得旨允行遂分南北兩路開山南路自岷峯均至大石巖直抵卑南北路自新城至大清水溪

大濁水溪直抵岐萊統計二百里有奇地極荒險日光不到古樹慘碧陰風怒號各有凶番抗拒經我搜剿互有傷亡亦有良番叩營乞撫願爲嚮導因建碉堡十二礮臺六屯兵以鎮之琅璫者故相福文裏郡王征林爽文時駐兵處也其地可爲縣治公親往察勘疏請築城設官添建恆春縣以鎮民番杜窺伺遂順途按視淮軍凡陳亡及染瘴死者皆躬奠其柩衆爲感奮尋爲前明延平郡王鄭成功疏請予諡建祠以作臺民忠義之氣許之初臺灣郡城經風雨坍塌千餘丈公疏請修築並建礮臺於安平海口又內地人民渡臺及臺民私入番界向有禁令公以臺地後山急須開墾疏請弛舊禁以廣招徠臺事粗定船政急待報銷公於是年十二月內渡會獅頭社凶番滋事狙殺游擊王開俊因而琅璫各社亦有異心公復於光緒元年二月抵臺檄提督唐定奎等伐木開道步步爲營四月官軍破竹抗本武及內外獅頭等社悉緒其巢於是脅從各社悔罪輸誠次第就撫計自蘇澳起開路至新城凡二百餘里至秀姑巒又百餘里乃奏設臺北府隸縣三曰淡水曰新竹曰宜蘭疏陳營伍積弊請概歸巡撫節制以一事權又以臺北產煤請購外洋機器開煤以興長利并請減煤稅皆如議行七月疏報凱撤淮軍於是詔公總督兩江疏辭不允十月莅任公案嚴肅僚屬聞之皆惴惴其賢者踴躍從公其不賢者革而易心江南風氣爲之一變而尤嚴于懲盜爲政三月懲盜百數十淮徐募民屏跡長江伏莽不敢發昔子產有言惟有德者能以寬服民其次莫如猛夫火烈民望而畏之故鮮死焉水懦弱民狎而玩之故多死焉公之用猛其由斯道歟公以積勞成疾數請開缺不許五季夏述職入都奉 皇太后懿旨時事艱難毋得遽萌退志秋回任其冬舊病轉劇萬不獲已復籲開缺遣疏憐憫於鐵甲船一事病中至形諸囑語蓋公謀之數年以款絀未得藉手者也至十一月六日卒於官年六十公生平學在不欺凡事必求心之所安自少至老如一念自言在廣信時已分萬萬無生理以故當存亡利害之交輒卓然有以自立而經理庶務不操切不張皇絕去世俗瞻徇之見體不耐舟楫臺地風浪之險甲天下兩次東渡雖甚眩暈呻吟而志不少餒自鳳山犒軍歸黑夜乘舢艫登岸舟幾覆未嘗憚勞也義有不可者毅然見於詞色

朝廷教以時政下詢公侃侃獨持正論不事模稜而虛懷善受慮以下人推賢讓能惟恐不及自奉極儉約廉俸所入隨手散給族戚輒盡遇地方善舉鄰省賑卹必解橐爲之倡卒之日不名一錢遺疏入 追贈太子太保入祀賢良祠政績 宣付史館 賜祭葬 予謚文肅並准建專祠子七人長瑋慶附貢生 賞舉人襲一等輕車都尉世職 次璧慶附生 賞主事次璘慶次瑜慶附生 賞主事次璠慶瑤慶琬慶孫八人曾孫一人

評曰公之孤忠受 先皇特達之知自廣信始後筦船政製利器巡臺灣平番社拓郡縣爲 國謀長厥功茂焉嗟乎公死十數年東夷啓釁至割地講和舉公所經營者盡棄與敵人公在九京能無撫膺太息于時局之日非誰秉國鈞而至斯耶

丁文誠公寶楨

丁公寶楨字穉璜貴州平遠州人少能文有操畧道光二十三年舉於鄉咸豐三年成進士改庶吉士遭母喪里居遵義楊龍喜作亂蔓平遠公起毀家練鄉兵衆始難之公曰賊至家豈吾有邪乃募壯士聲賊捍閭里由近及遠救安平援貴陽剿平越獨山甕安麻哈守都勻苗教各匪稍定龍喜滅當事奏留公黔軍給其儲 朝廷嘉公行間除編修異數也公之能軍始此既簡岳州知府遣所練待餉金十餘萬籌者以爲憂公取五百金集衆謂之曰遭時變亂累及父老子弟協力捍患恍忽十年死者已矣予與諸君幸無恙今被 命將行庫饋不給視諸君徒手歸何以爲情衆皆泣下曰公破家急難吾衆亦以義起必有求乎公行矣公亦泣下卽日別去蓋供億之少解旋之易軍興以來未嘗有也抵岳州粵賊石達開方寇楚陳玉成由金陵上竄鄂南岸州縣盡陷賊公至誓死守城以完越歲爲同治元年調長沙嘗值客軍數千將不在鼓噪來公請于大府貸發三萬金斬其倡五人頃刻而定旋擢山東按察使督布政使躋巡撫在山東用兵六年善恤將士能推有功撙賊往來剽忽公乃卷甲窮驅人樂爲之急又銳于乘勢不主畫疆自守曾公國藩駐濟甯公率五千人防守運河河長二百七十里賊不能渡六年六月東捻賴汝光自

萊陽北趨招遠黃縣全股聚海濰李公鴻章與公會軍扼膠萊河以威之膠萊河者元至正間所開新河以通漕運而避海道之險者也延袤幾三百里其北口水淺沙淤不能築牆西距三十里有濰河入海道乃議從新河西築牆接濰河東以達於海令淮軍東軍分段守之撻賊撲膠萊河不得逞改道走濰河部將王心安築壘方成而隄牆未竣撻賊長驅渡河自安邱臨朐南走李公交部議公視職留任蓋東軍之守濰河本李公部將潘鼎新汛地潘軍方南移而北路遽失守 詔斬王心安公上疏爭辯謂其情可原 朝廷乃宥心安而切責李公李公仍議防運九月賴汝光犯鄒公自曲阜進擊破之其後公部分守運河中段嚴固卒平東撻七年春西撻張總愚擁衆數萬自晉而豫漸犯畿疆北蹂定州欽及保定勢且燎原去 禁釐僅二百里 朝廷震動至遣宿衛之旅出 國門備寇公率師入援先至河間一日夜行數百里卒出賊前轉戰雄任祁高肅之交復饒陽城 天子嘉之褒詔凡七下聲赫中外無何西撻平中原肅清 詔加太子少保公迺整吏治礪僚屬務持大體不爲刻鵠而器量恢豁廉剛有威苟遇囑冗之夫猥緩之政則必行其志而後已十年黃河入東決侯家林及孟家莊東南幾爲澤國羣公集議以時過立春築隄難必成欲緩至明年冬公曰再歷夏秋汛其勢不可當民其盡魚矣乃奏諸獨任植立河干冰雪中誓以死勦事用兵法部暑親執扑以行築者於是費省工倍五旬而隄成 穆宗褒嘉 詔從優議叙光緒二年入覲 賜紫禁城騎馬擢四川總督凡有興革不避怨嫌復都江故隄還民田數十萬畝裁減夫馬民困大蘇川鹽久敝利官胥 國家歲失成利百餘萬公勘滇邊黔邊官運法悉收復之十二年四月卒公病革預爲遺疏曰臣沐 三朝蒙 鑒之恩頻叨異數犬馬餘生尙願以身報 國今遽鐘漏向盡區區微悃結草何年瞻望 闕廷罔知所措臣在籍勦匪卽誓效命沙場今行年六十有七獲保首領以歿尙復何憾惟念川省東連長江北通關陝地接滇黔民情淳勦加以英法兩夷逼處雲南狡焉思逞英人俄人又均有入藏之議將來必肇兵端臣前所陳防邊一切尙未及時布置返之寸心徒呼負負大抵外洋和約萬不足恃海軍旣已創辦卽應實力操練腹內防軍不宜再議裁撤只可

以安爲懷不宜重外輕內抑臣更有請者 皇上春秋鼎盛指日親政應請舉行日講以裕 聖功帝道之隆要以
近賢人君子遠宦官妾爲圖治之本勿以財用不足而進言利之臣勿以時局多艱而行苟且之政固結民心卽
所以深培國脈此皆臣戀 主之忱所耿耿不能自己者也至臣在川十年深知利弊所裁之夫馬局不宜再開所
辦之官運局不可遽改機器製造爲西陲異日之軍需積穀倉儲備全川不時之荒歉愚昧之見伏維 鑒察臣病
勢至此萬無生理伏枕哀鳴望 闕叩頭口授臣幼子體晉恭代清摺叩謝 天恩既上 帝震悼加贈太子太保
予諡文誠 賜祭葬祀賢良祠并建祠山東行省子五體常體勤體仁體成體晉 本朝故事凡一二品大員死
有遺摺多幕友爲之惟此疏公手稿故備載錄公卒後家屬貧不能舉火成都府供食數月蜀之舊寮贈賻始得歸
評曰初公夫人病沒山東黔亂喪未返奏明葬歷城其後公匿遂合葬焉公遺愛深東人尤思之喪所過郊野祭弔
相屬燕北思陶荆南哭祐無以喻也

溫壯勇公紹原

溫公紹原字北屏湖北江夏人也少習申韓納貲爲知縣兩江總督陸建瀛委護六谷印前令失民望公嚴明撫輯
縣大治代至鄉民炷香跪道請於大府乃留署焉咸豐二年冬粵賊陷武昌公倡修城垣募鄉勇親加訓練或曰賊
尙遠公曰備豫不虞古之善教也無何賊陷九江三年正月賊竟犯江甯覲浦口公令耆民給賊犒牛酒陰籌守禦
賊陷江甯遂東下破揚州江北大營屢敗挫而六合完固賊偵知有備且怒向者之見給也四月八日大舉入寇公
督外委達成榮千總徐琳戰於龍池三敗三進賊不敢逼時吉林馬隊扼守河岸公招集民勇入城守禦城北有火
神廟最著靈異賊毀之夜半火起賊砲礮被焚死者無算又以攻城不利遂遁走公于是請浦口設重兵募水陸勇
徐壽海州人以次至四年冬破賊九洲洲以功擢知府 賞戴花翎先是總兵吳全美被讎陰懷觀望公親往
激勵請於江南大帥向榮以全家保之全美舉酒酹地涕泣自誓親冒矢石揚帆直進斷鐵鎖三重江路以通五年

我施鐵鎖於下游阻鎮江援賊公親至南岸相度地勢觀音門七里洲一帶民多從賊公陰撫其黨約爲內應賊動靜無不知創火藥鑄錢等局抽釐助餉歲入十餘萬六年三月江浦陷總兵張國樞來援公帥兵爲其先鋒禦賊於毛許墩連戰皆捷克復浦口江浦秋大旱天長來安山匪蠶起先後討平之平糶賑饑民賴以活重訂團練新章令各鄉演習是年擢署江甯府以道員即補仍駐六合辦理防務大府以李令守誠知縣事時江北官軍疲弱不如六合練勇六合屢報功而大營不與故大帥忌其能以干預保舉劾公革職七年仍留辦六合團練旋爲兩江總督何桂清奏請開復江浦既克以隨同征剿功歸部從優議敘八年三月賊陷滁州全椒來安公在蘇州聞警手書防堵數十事寄李令動中肯綮旋回六合督勇攻來安克之加運使銜奏充大營翼長八月悍酋四眼狗陳玉成糾數十萬賊攻江浦官兵敗于小店公乞援於金陵大營恐六合難獨禦浦口又失請大帥德崇額駐六合不許金陵援師復敗於治浦橋富明阿等皆潰公督兵勇二千餘人城守於是命副將羅玉斌守北城千總海從龍守東城遊擊夏定邦守西城都司俞承恩守南城城中男婦逾萬計口授食血書告急而救不至守月餘城中食且盡火藥已罄都司俞承恩請潰圍出奔公揮淚曰賊衆援絕城中數萬性命恃我等爲存亡諸君欲舍之去如老弱何遊擊夏定邦曰賊衆我寡出必不免今上下一心請誓死以待外援公拊其背曰斯言是也敢言出者斬賊三路掘地道城中應之賊傍水掘塹出不意陷我九月十八日黎明公微服巡警城崩賊驟至公慮爲賊獲遂投水死年六十一公貌魁偉聲如洪鐘精神煥發夜分不寐處大事能斷軍興以來內修外禦鉅細必親幕中客備位而已屢欲乞歸以民望羈留嘗賦述懷詩云不將白髮覲明鏡惟有丹心戀 聖朝人服其忠事聞加布政使銜 賜卹世襲騎都尉 予諡壯勇夫人王氏子輔才城破并遇害

李君誠守字次生江西宜黃人丁酉拔貢由校官應順天鄉試中式挑選六合縣咸豐四年到省溫公擢署江甯府君遂蒞任居官清儉歲大旱悉心撫卹七年兼辦溫公營務隨征江浦以功晉秩五品八年八月賊破浦口大營德

帥乘艤船徘徊江上君帥親兵三十人往迎請援德帥不應君抗言孤城危在旦夕兵勇守禦不暇此去祇四十里大帥宜速往調度左右惡其直將加鞭箠岸上觀者大噪德帥遽逸去此二十二日事也閉城後晝則籌餉夜則巡徼外援不至自分必死九月十八日城破縊于堂上賊疑爲溫公焚其尸子幼隨家僕出奔事聞贈知府銜 賜卹世襲雲騎尉

羅玉斌由江西武營游升副將奉調駐揚州移營浦口八年三月德帥檄守來安八月撤赴六合二十五日富明阿馮子材兵潰玉斌留守內外阻絕麾下三百餘人分駐北門城陷督勇巷戰策馬至教場遇賊大呼刃數人賊攖刺之遇害三百餘人無一存者

海從龍字禹門江甯人以監生中江南武榜時年十九隸督標記名千總金陵陷奔六合溫公派辦團練六年從張公國樞擊賊於毛許墩以功加五品銜七年署六合城守分帶練勇駐守東城城陷戰死父定國由武舉署全椒城守六年投效六合溫公派守西城同時殉難年已七十餘

夏定邦字治平六合滁河鋪人年十八中道光乙未江南武榜署揚州營千總咸豐五年冬吉爾杭阿公命率五百人攻賊於六合夏蜀銜以勇畧聞八月以剿山匪功擢江陰守備戴花翎八年攻江浦先登陷陳爲諸軍之冠江浦復補都司加遊擊銜八月由雷官集調回城守西門趙勇夜出焚賊糧城陷督勇巷戰知事不可爲仰天大呼左手拔刀自刎瞳目直視血塗涌猶倚柱僵立一子出奔

王家幹字楨甫睢甯人道光甲辰武舉咸豐二年署六合城守五年十一月攻九洲洲天大霧銜枚疾走越濠三重緣壘而入賊死守營門遊擊秦懷揚陷敵君臺礮剝上燃轟斃賊無數出之以下堅壘功升守備六年來安山匪起戰於施官集大破賊衆斬級數百加都司銜換花翎七年克江浦八年復來安補都司加遊擊銜八月賊酋四眼狗圍六合城先與王福來會戰于大王廟賊由龍窩偷渡爲抄截前阻大河力竭赴水死城陷都司俞承恩把總毛國

祥武舉朱金鏢海定國千總李祥和皆死咸豐三年龍池之戰傷亡二百餘人外委達成榮及繆氏兄弟最有名李祥和成榮皆也初六合守城時夜更用金聲城中人聞之若云復金陵復金陵金陵一復大功成數年安堵避寇者多聚城中及陷之年改擊竹器其聲曰殺殺殺殺殺殺識者早知其不祥城破賊屠殺萬人逸出者僅二百餘人守城紳士死難者二十人其詳莫能紀焉悲夫

評曰咸豐間江南江北大營將驕卒惰皆無能爲也能戰者惟張公國樞親軍與六合之練勇江北大帥其才實出溫公溫公反受其節制豈不殆哉

趙忠節公景賢

趙公景賢字竺生浙江歸安人父炳言道光中官湖北巡撫公少豪邁負奇氣不拘小節讀書慕古俠烈士喜任人所難有機權臨事能斷道光二十四年舉人以父子異籍被讞黜入貲得復授宣平教諭改官內閣中書未赴丁父憂閉門讀禮鄉人未之奇也同郡徐撫部有王獨器之曰君有應變才將爲國柱石慎自愛公亦以時事多故思得一當以自效咸豐三年賊犯江甯江浙震動詔舉行團練法公獨任其事輸重金爲衆倡王公有齡守湖州牒保知府加道銜十年二月賊陷廣德甯國直隸湖州公在蘇州聞警馳歸與湖州守瑞春歸安令廖宗元烏程令李澍等籌守禦時王公已官江蘇布政使公上書請餉因請總督令箭得便宜行事太守曰官無見錢計奈何公曰事急矣今市肆雖空百貨未盡徙也宜權取充軍實事成有以謝父老否亦免爲盜齎遂下令有不聽取者治以軍法不半日事盡集公曰未也今城外民廬如櫛賊至窟其城將不能守乃縱火燬之江南援軍至賊已圍攻西北城公部署既定納犒刀乘城誓必死遂約援兵夾擊賊圍三日解去有詔以道員用賞額爾德木巴圖魯賊由埭溪攻杭州越十日外城陷巡撫羅公遵殿死之將軍瑞昌守滿城未下會提督張玉良從江甯馳援過湖州公遣將引道復杭州王公有齡繼爲巡撫王公夙知公才湖防事一以委公乃益繕城隍儲器械造戰艦築牛馬牆分勸各屬鄉

鎮治團練聞三月遣將復長興德清安吉孝豐武康五縣時蘇常迭警援軍督調歸惟存新軍三千公悉心校練且
添募四月蘇州陷延及嘉興公分兵駐南潯鎮以扼其衝未幾僞輔王楊輔清自宜興溧陽太湖來犯衆十萬沿城
大掠火光燭天刁斗聲聞數十里公閉城堅守意氣自若會記名道蕭公翰慶自石埭來援轉戰賊境五百里將至
湖州馬頭被害所部敗散入郡城公拊而用之兵力稍厚時賊衆已圍五門公親督隊開北門出且戰數晝夜斬賊
多賊遁二次解圍得旨以道員記名簡用聞張公玉良攻嘉興公即帥師出南潯進攻吳江之平望鎮賊數壘
據守之思即復蘇州成不世功僞英王陳玉成忽自太湖窺湖郡公急回救賊反乘之師潰賊復踞平望并犯南潯
鎮公再集民兵擊走之六月分兵克廣德州時杭州圍解賊仍竄湖屬十月省城再被圍公帥兵往援圍甫解入
謁王公忽湖防告急即馳歸賊已至南門之峴山副將劉仁福者故興臺也自平湖潰歸通款於賊率廣勇二千自
昌化來僞爲援兵謀入城內應公值得實陽治具款之而止其兵城外陰簡精卒出令人束竹筋于腰爲識圍而盡
礮之礮仁福于市竿其頭示賊賊爲奪氣解圍遁十一月嘉興烏鎮之賊分途來擾雙林鎮等處王公遣副將文瑞
來助剿合民兵轉戰十餘日悉破其壘詔以三次解圍功賞按察使銜十一年正月遣兵再克長興有賊自宜
興陸路來犯敗之會太湖之洞庭西山失陷全湖皆賊有長興旣不能守而北路七十二漣港時被擾遂於大錢
口添駐水師聯絡民兵通餉道大小數十戰皆告捷五月大股賊來踞菱湖鎮公親督水師礮船分路夾擊大敗之
奪賊船數百艘生擒數百人七月平望賊竄南潯鎮與石門賊兩路來犯皆走之九月賊來益衆乃督水陸出鏖戰
五晝夜賊始敗退適太湖賊又來犯夾浦連敗之回郡忽報杭州被圍賊營互六十里餉道絕遂親督水陸軍往援
連破賊隘口二十有奇終不能達城下洞庭山賊偵公南向乘虛犯大錢口公急回顧且戰且退既至大敗之奪賊
二百餘艘始遁去而從逆之烏槍船匪肆掠雙林鎮復遣兵聚礮之亡何杭州陷公歎曰湖郡成孤注矣惟當效死
勿去以報國恩耳遂與在城文武誓死守衆皆曰惟公命僞忠王李秀成遣二諜遺書招降公立斬之以書達上

海呈江蘇巡撫轉奏始奉簡授福建督糧道之 命時四面皆逼賊烽惟留大錢口一線路十二月二十七日大雪
三晝夜冰厚數尺如平地礮艦膠不能動同治元年正月二日賊乘夜來犯大錢口遂爲賊踞自此內外隔絕餉道
不能通矣賊屢受湖防之挫死傷山積恨次骨掘公父墓相戒勿近攻先是賊陷名城率用地道潮郡地勢低掘地
三尺即見水技無所施又四面環大河雲梯衝車無所用惟築壘樹柵漸進逼爲坐困計二月朔公選死士三千誓
解城圍繇南北門出擊各掃十餘壘獲賊糧運入城自是賊糧不復屯近處而城內外水陸兵勇尙八千有奇男婦
十一萬餘口糧且盡越二日奉飭赴福建新任及 賞加布政使銜之 恩命軍氣復爲一振蓋是時 上甚惜公
才寄 諭垂詢江督曾公密令輕裝赴任移其捍衛桑梓之力以固閩疆公感泣誓死益堅密寄帛書至上海報其
叔父炳麟有衆志成城守死善道之語且云使我家出一頁臣不如出一忠臣公之志蓋素定矣自三月以後軍民
羅雀掘鼠食草根樹皮皆盡公言笑如常時縣丞某欲通賊事露立擒斬之有搜掠者仍按軍法五月三日城陷公
大呼曰死無憾死我十數萬軍民爲憾耳賊渠譚紹洸擁至局公冠帶見賊喝曰速殺我毋殺軍民譚曰亦不殺汝
公拔刀自刎爲所奪執之去僕陸二自刎死公被執至蘇幽諸獄選禁甚嚴求死不可得脅降不屈李世賢復爲下
士狀百計誘說不爲動遂有遣歸之意譚逆不可世賢赴江北時誠勿殺譚稍稍善視之公見輒詈罵一日攜常熟
地圖以詢速投之火二年三月賊自太倉敗歸揚言公將襲蘇譚逆懼十八日晡招公飲酒半詰公曰汝通妖兵耶
公曰我本官兵何謂通汝欲獻蘇州耶公曰蘇本 大清土地何謂獻即又曰汝死期至矣公仰天大笑曰我求之
一年而不得今何幸也連舉數巨觥罵益厲譚逆舉洋槍對擊其胸而隕年四十有二賊目棺瘞之公軀幹不踰中
人貌偉異口可容拳大小百餘戰皆親冒矢石天性嗜酒好殺自平旦至日中所食治有生者日臥則痛飲必醉無
論膏從盡斬之嘗曰吾得殺人下酒乃快耳湖州既陷 廷旨數詢公下落死事聞 優詔褒閔且曰趙景賢係在
精神士無守土之責集團禦侮每戰必捷迨至孤城困守糧餉軍火俱盡仍堅持數月力盡被執賊匪誘脅百端矢

志不移卒以身殉節孤忠可嘉可憫其改照巡撫陳亡例從優議卹且賜諡於湖州建專祠其長子趙深彥一并
附祀事迹宣付史館立傳以彰忠藎次子濱彥潤彥滋彥添彥淶彥均俟及歲時送部引見尋 賜祭葬 予諡忠
節公在繫作絕命詩四章有云亂刀交揮處危冠獨坐時又云厚貌徒爲爾孤忠矢靡他僞忠王本欲送公歸致書
以漢壽亭侯歸漢爲言公斥其擬不於倫且曰歸我者之爲知己不如殺我者之尤爲知己也初杭州陷公知事不
可爲盡遣其家屬出而身居守長子深彥年甫十二寓湖南聞湖州失大慟服毒死南撫爲奏請 旌卹故附祀公

祀

評曰趙公之守湖州其名彰矣其時甯國有金寶圩良田萬頃男女數萬人亦守年餘四出擊賊賊圍之數十重竟
無蚍蜉蟻子之援坐而待亡悲哉其後鮑公超至宣城而圩已破婦孺屠戮殆盡守圩者紳士丁竊外姓字多無傳
吾將訪諸遺老綴其事於趙公之後

何文貞公桂珍

附金剛縣公光筋

何公桂珍字丹畦雲南師宗人以道光甲午舉人成戊戌進士授翰林院編修丙午提督貴州學政旋晉侍講入直
上書房數抗疏陳軍事得失咸豐四年五月出爲安徽徽甯池太廣兵備道時則安慶暨濱江府縣淪沒賊中廬
州新立行省亦陷於賊副都御史袁公甲三軍臨淮提督和春公巡撫福濟公軍廬州公當之官不克南渡袁公欲
資公以兵西會楚師福公亦具疏留公江北檄公募勇出征公私匱乏沮傷百端最後得二百餘人率之以西至霍
山徵集潰兵團勇三千餘人推誠獎勵遂以十月二日大破捻匪李兆受於城東追至麻埠又五日至流波磧檄商
城固始團練堵其北金家寨團丁禦其東而自率所部遏其西捻黨洶懼李兆受與馬超江相繼投誠散脅從遠
近大說環三四縣皆輸豬雞稷糧金錢之屬聲終宵不絕先是大府帥檄公救援廬江檄未至而城先陷至是奉被
劾革職之 命軍士懷不能平雖百姓亦恫恫也方楚師之出岳州而東也克武昌下黃州破田家鎮水陸電邁席

卷千里其後塔羅兩軍由黃梅南渡以圍九江賊循北岸而上復陷蕪黃竄武漢自長淮以南天柱內外所在蠭屯公以孤軍流離西與楚師不相聞東與廬州大府隔絕朝不謀夕噉指誓衆五年正月進攻蕪水克之又分軍克復英山又殲劇賊田金爵大府帥以公西征有效疏令留駐英山公出師至是凡八閱月僅支見銀三百兩士卒及民團相從者增至三千人又益以李兆受新降之衆無以爲食居無帳幕雨無積薪邨郭無居民遠近無援傷亡無以爲卹始什人賦麪一斤繼而削減半之既又半之而賊來益盛日提飢卒轉戰不得休五月十二日軍敗徒行泥淖中鄉民或哀而進食公雖強自振勵然憊甚瘴癘發體氣亦少餒矣李兆受者故反側持兩端感公忠勤不忍違背負絕糧既久怪公無以活之頗缺望又同時降人馬超江爲匪徒所殺怨官不能捕誅以抵罪也則大戚議爲超江復仇設位受弔撚黨畢集於是安徽河南兩省皆以兆受復叛入告而縣令亦懸賞購兆受頭千金兆受益不自安匍伏詣公自陳無他公撫慰稍稍綏定矣會大府帥有密書抵公教以圖翦叛賊毋後人發爲兆受所得遂陽爲置酒高會而伏兵戕公于英山之小南門遺骸殘燬同遇難者四十七人咸豐五年十一月初三日也後同治三年冬曾文正公奏請 賜諡曰文貞文貞殉節皖北後二年有金剛愍之事

金公光飭字濂石直隸天津人少困童子試納營爲甘肅通判改安徽知縣署定遠補建平復調定遠威惠大著擢壽州旬日間庭斷獄近百咸豐二年冬以侍郎呂公賢基疏薦 詔從大帥征討巡撫請留之三年安徽陷壽州奸

民結獄囚將爲亂公方巡行鄉野疾馳還囚數人逾垣出手刃之奸民震懼不敢發詰旦召紳士議團練募勇千人修城儲嚴保甲備軍械不數日戰守之具悉完侍郎周公天爵督師淮上討羣盜定遠盜陸遐齡者衆數萬恣剽掠衆呼爲陸王乃命公以三千人往討公曰遐齡踞巢穴雖三萬人不易破也周公大驚曰然則奈何公笑曰公無慮某當爲公取之啞某者公姻戚口啞不能言獨負奇勇名淮上嘗被短褐行市閒藏二刀腰帶飛行取人首莫敢抗公捕羣盜輒呼啞者俱盜聞啞者至輒俯首就繩縛乃獨微服攜啞者赴遐齡所至則重濠壯宅門內外刀戟聲相

摩既入見八人者臥榻上公卒然問曰陸王安在遐齡震其聲起立曰我是也則令啞者出不意繫其項七人皆大驚爭握刀擬公公出珊頂置案上抗聲大言曰我金某奉大帥命謂遐齡豪傑可大任特遣某招之繫者啞某此

朝廷法非有他也敢動者斬遐齡畏公威習聞啞者勇已被繫動則爲啞者害又聞大帥召將用己乃止七人者隨公行至轅門周公大喜跣足出見公曰遐齡鉅盜降粵賊吾懼其雄張淮南故星夜來此懼不克君嬰兒縛之吾復何患哉旦日斬遐齡轅門外麾兵討其黨皆平疏薦公於 朝賞花翎擢知府公既誅陸遐齡威震淮上凡平土寇數十起而粵賊至當公之守壽州也臨淮鳳陽懷遠皆陷沒賊距壽州裁百里居民一夕數驚公堅竹柵河口置水營八公山張旗幟領上列礮臺山隘賊望風不敢進是年冬廬州陷巡撫江忠源死之以福濟爲巡撫明年春六安復陷於是四境皆賊正陽關者據淮上扼南北關鍵距州城西六十里公念守城不如守關則據關爲營賊大舉來犯戰方酣大雨槍礮溼不然公憤拔佩刀欲自殺左右請還城城陷死未晚公然之乃率師還賊疑有伏亦退自是賊五犯正陽輒敗去五年江南提督和春復廬州巡撫擢公知廬州府已受代壽民環泣臥堂下不起公宵分輕騎出攀呼不得則大哭失聲公亦涕泣馬上不忍去既至廬則益嚴斥壕討軍實一日薄莫城中火大作公閉城門令曰譁者斬一人譁縛之四婦人跣足相聚語并縛鞠其狀五人皆賊謀戮諸市賊不得逞合肥盜顧四匿城中將爲變夜半公潛出斬之無知者以是民咸懼其神六年冬署廬鳳穎兵備道既至臨淮撚寇數萬縱橫四十里逼我師公數擊敗之明年春二月羣撚大掠正陽關粵賊帥陳玉成復自桐城破六安水陸至正陽公保壽州壽州民見公旗幟歡呼震山谷公撫之曰若無恐吾與此城存亡耳既入城賊圍之數匝城中喜公至皆攘臂登陴輸芻糧治守具不令而集於是令壯士縋城出賊方食噪乘之敗諸南門外賊用隧道伏地雷攻益急地聽之地聽者掘深塹置水甕浮銅鉦其上令警者潛伏其側賊穴至即銅鉦作水漾聲其法始見墨子公用其法禦賊又令軍士銜枚出襲賊營破之玉成圍攻凡八日乃敗去論功加按察使銜公乘勝進攻正陽連破賊壘俘賊將三壁三十鋪別遣將帥

水師會黃天澗毀賊營四十斬級四千淮水盡赤環攻五晝夜遂拔正陽關設屯守 賜號鏗色巴圖魯初和春去

廬州淮南將無出公右巡撫遂命公統諸軍然川陝與壽春兵衆雜亦不盡得力公所募親軍不過千人而淮南又四戰地羣盜如毛是時李兆受糾撙粵悍會往來安徽河南之交烽火至商南武關首尾二千里未幾張落刑自三河尖東犯公出淮上拒之而粵賊時公出潛師襲正陽正陽復陷公疾馳還至沭河口麾軍破四壘抵北關大戰賊望風披靡會都統勝保督騎兵改正陽軍河北公上謁賊突至勝保令公禦之公立舟中左持矛右擁羣躍而上從者千人自辰至未戰不利勝保不能救公戰敗沒于河時咸豐七年閏五月四日也公天姿忠孝常言自英人犯順即以身許國及官淮上嘗謂兩弟曰時事日棘吾必死一老人春秋高侍養汝兩人任矣言已泣下性剛正廉潔自軍興廳事未嘗讌飲妻子或彌月不相見師行食藜藿藉草蓐與士卒等所至却供張曰我取諸彼彼取諸民民方倒懸不能救之反累之乎大帥行營距不百里未嘗通一柬以是失大帥意守廬州和春部卒奪民財懲以法則結隊犯上公與巷戰卒敗乃服罪旦日詣和春謝和春笑慰之其嚴峻如此嘗言大兵宜攻不宜守地方官宜守四境不宜守孤城時以爲名言公在軍夜聞風葉聲輒起雖戰勝愀然不樂曰死者皆吾民也軍暇賦詩以見其意有古名將風卒年四十有二尸屹立水中不仆前一夕有星隕營西北公曰數日恐折大將不謂自應之沒時壽民皆縞素痛哭不能自己死事聞 詔視布政使賜卹特祀壽州諡剛愍與騎都尉世職十年用袁公甲三奏並建祠天津褒其祖若父二品封典兩 賜祭慰之蓋自公沒淮上無大將苗沛霖遂圍巡撫壽州以叛而燃禍遂蔓延天下以故 朝廷尤悲公云同治二年三月苗沛霖反圍壽州知州毛維翼以五百練勇督百姓堅守三月城破維翼死之曾文正謂毛君亮節孤忠疏請 賜卹 追贈道員

評曰何文貞遇害英山金剛愍殉節正陽皆受制于庸人而莫能自伸其志也二公死而李兆受苗沛霖之禍愈烈文貞合冤剛愍屈抑非曾文正袁端敏言之曷彰其賢哉